



國家清史編纂委員會·文獻叢刊

六編

清代稿鈔本

第二八八冊

國家清史編纂委員會·文獻叢刊

六編

清代稿鈔本

第二八八冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

·廣州·

第二八八冊目錄

京報摘鈔

京報摘鈔

不分卷

光緒八年正月至光緒九年四月

佚名輯

鈔本

光緒八年正月初一日京報

奏揀員調補要缺知縣摺

開缺湖南巡撫臣李明墀跪 奏為要缺知縣需員籲懇 天恩俯
准揀選調補以資治理恭摺仰祈 聖鑒事竊照湖南長沙府屬湘
鄉縣知縣齊德五於光緒七年八月十九日病故應以病故本日作
為開缺日期歸八月分截缺咨部在案查湘鄉縣係煩疲難要缺例
應在外揀選題補定例應題缺出先儘候補正途人員題補無人准
以應升人員題升如實無合例堪以升補之員於現任人員內揀選
調補又咸豐七年吏部議覆本省奏准升調章程內開該省未到本
任人員實係因公差委辦事得力者准其捐免歷俸實授一體調補
又光緒五年吏部奏定新章未經實授及歷俸未滿年限人員照舊
令其捐免方准升調應令一體赴部交納各等因今湘鄉縣知縣缺

幅員遼闊獄訟繁多非精明幹練之員弗克勝任南省候補正途人員均於是缺人地不甚相宜即應升人員內亦無堪以升題之員應請於現任人員內揀選調補臣與署藩司孫翹澤署臬司郭從矩於現任知縣內逐加遴選查有辰谿縣知縣姜鍾琇年四十六歲貴州貴筑縣由監生報捐從九品選用堵剿龍貴竄匪出力奏保候選缺後以府經歷縣丞升用遵例捐足三班以縣丞指發陝西試用堵剿清水江竄匪出力奏保候補缺後以知縣用並戴藍翎嗣在捐局捐離原省改發湖南並遵例捐免補本班以知縣仍留湖南歸候補班補用赴部引見同治二年二月十五日經欽派王大臣驗放五月二十二日到省甄別以繁缺留省補用四年呈繳捐免保舉銀兩勸辦捐輸出力七年四月初二日奉旨着交部議叙欽此之歷署

溆浦麻陽辰谿臨湘湘陰等縣題署辰谿縣知縣奉部覆准現署善
化縣知縣屢膺煩劇一切經理裕如未及飭赴本任應照例捐免實
授歷俸已據稟報於光緒七年十月二十三日遵照新章專丁赴部
庫上兌該員精明幹練為守兼優以之調補湘鄉縣知縣洵堪勝任
惟題缺請調與例稍有未符第人地實在相需例得專摺奏請合無
仰懇 天恩俯念員缺緊要准以辰谿縣知縣姜鍾琇調補湘鄉縣
知縣實於治理有裨如蒙 俞允該員現任知縣請調知縣銜缺相
當毋庸送部引 見又初次請調照例毋庸核計叅罰所遺辰谿縣
缺應歸部選南省現有應補人員應請扣留俟接准部覆照例截缺
擬員請補此案係光緒七年八月分之缺應於九月初一日起限扣
至十一月初十日揀補七十日限滿司中於十月二十五日出詳合

併陳明謹會同湖廣督臣李瀚章恭摺具 奏伏乞 皇太后 皇上聖鑒勅部議覆施行謹 奏軍機大臣奉 旨吏部議奏欽此 駁

光緒八年正月初二日京報

開缺湖南巡撫臣李明墀跪 奏為要缺知縣需員籲懇 天恩俯
准揀選調補以資治理恭摺仰祈 聖鑒事竊照湖南長沙府屬湘
鄉縣知縣齊德五於光緒七年八月十九日病故應以病故本日作
為開缺日期歸八月分截缺咨部在案查湘鄉縣係繁疲難要缺例
應在外揀選題補定例應題缺出先儘候補正途人員題補無人准
以應升人員題升如無^實合例堪以升補之員於現任人員內揀選調
補又咸豐七年吏部議覆本省奏准升調章程內開該省未到本任
人員實係因公差委辦事得力者准其捐免歷俸實授一體調補又
光緒五年吏部奏定新章未經實授及歷俸未滿年限人員照舊令
其捐免方准升調應令一體赴部交納各等因今湘鄉縣知縣缺幅

員遼闊獄訟繁多非精明幹練之員弗克勝任南省候補正途人員均干是缺人地不甚相宜即應升人員內亦無堪以升題之員應請於現任人員內揀選調補臣與署藩司孫翹澤署臬司郭從矩於現任知縣內逐加遴選查有辰谿縣知縣姜鍾琇年四十六歲貴州貴筑縣由監生報捐從九品選用堵剿龍貴竄匪出力奏保候選缺後以府經歷縣丞升用遵例捐足三班以縣丞指撥陝西試用堵剿清水江竄匪出力奏保候補缺後以知縣用並戴藍翎嗣在捐局捐離原省改發湖南並遵例捐免補本班以知縣仍留湖南歸候補班補用赴部引見同治二年二月十五日經欽派王大臣驗放五月二十二日到省甄別以繁缺留省補用四年呈繳捐免保舉銀兩勸辦捐輸出力七年四月初二日奉旨著交部議叙欽此歷署澹浦

麻陽辰谿臨湘湘陰等縣題署辰谿縣知縣奉部覆准現署善化縣知縣屢膺繁劇一切經理裕如未及飭赴本任應照例捐免實授歷俸已據稟報於光緒七年十月二十三日遵照新章專丁赴部庫上兌該員精明幹練為守兼優以之調補湘鄉縣知縣洵堪勝任惟題缺請調與例稍有未符第人地實在相需例得專摺奏請合無仰懇天恩俯念員缺緊要准以辰谿縣知縣姜鍾璠調補湘鄉縣知縣實於治理有裨如蒙俞允該員現任知縣請調知縣銜缺相當毋庸送部引見又初次請調照例毋庸核計叅罰所遺辰谿縣缺應歸部選南省現有應補人員應請扣留俟接准部覆照例截缺撥員請補此案係光緒七年八月分之缺應於九月初一日起限扣至十一月初十日揀補七十日限滿司中於十月二十五日出詳合併陳

明謹會同湖廣督臣李瀚章恭摺具 奏伏乞 皇太后 皇上聖
鑒勅部議覆施行謹 奏軍機大臣奉 旨吏部議奏欽此

光緒八年正月初契日京報

奏請銷知縣學習片

貴州巡撫林肇元

再開缺另補知縣聶定中前在安平縣任內經前撫臣岑毓英以該員年輕才淺於本缺人地不宜奏請開缺另補光緒六年八月初九日奉 上諭安平縣知縣聶定中着開缺留省學習另補等因欽此欽遵由部臣咨會將該員歸於貴州撤回留省另補知縣班內酌量補用在案茲據署藩司松長詳稱該員自開缺留省學習以來於政事吏治均能用心學習深知愧奮現已察看一年期滿理合加考詳請具 奏前來臣查看得該員聶定中遇事歷練漸近老成洵堪造就有用之才相應請 旨俯准將開缺另補知縣聶定中銷去學習照章酌量補用以昭激勸除咨部查照外謹會同雲貴總督臣劉長佑合詞附片具陳伏乞 聖鑒訓示謹 奏軍機大臣奉 旨吏部

議奏欽此

東為用扶知州才堪任用懇 恩銷去歲所字樣仍以原班扶次補用恭摺仰祈
聖鑒事竊臣于上年甄別原案內查有海寧州州判朱必才合稱未能扶實案奉
諭旨將 著用扶留省案查欽此欽遵當經轉飭藩臬司可將該州用去海寧州
缺撤回有城詳加案查去後并批藩臬司可令詳稱該州州判 朱必才回省後時
常接見鄉人傳言奉止頗屬出詳誠以公事上為明白惟和膏民社辦理事宜
向有未能扶實之處此實難辭亦查該州撤省後知愧奮而亟往銷案查
字樣仍以知州用省候海寧州出缺再行補用詳請具 奏為事以反加歲扶
該員自撤任以來差委辦公尚能奮勉自當予以自新合無仰懇
天恩俯准仍用扶海寧州州判 銷去歲所字樣仍以知州用省補用理合恭摺具
奏伏乞

聖鑒訓示謹 奏

光緒八年正月初八日京報

奏敬陳鄉會試事宜酌擬四條摺

日講起居注官翰林院侍講學士奴才尚賢跪 奏為敬陳鄉會試

宜以廣登進恭摺仰祈 聖鑒事竊維開科取士 朝廷所以重賢

材獻藝觀光多士所以資進取我朝二百餘年人文蔚起其由科目

出身者十居七八方今軍務削平振興 文教我 皇太后聖衷獨

斷毅然停捐此正 國運轉移之機亦士氣奮興之會俊髦翹首爭

自濯磨然登進不宏終有遺才之歎而變通盡利庶叶彙進之占奴

才不揣冒昧酌擬四條謹為 皇太后 皇上陳之 一查例載凡

指定額駙及邵主身故未經續娶仍留額駙職銜者無論舉貢各項

出身不准再應鄉會試若額駙職銜業經革去者仍准應試等語詳

繹例意原以此項人員既有職銜頂戴即不必與寒士爭名惟查王